

三禮便蒙

焦理堂先生
三禮使蒙

壬戌夏日孝背手錄



三禮便蒙

學校第一

五帝之學曰成均

周禮春官大司樂掌成均之法注董仲舒云
成均五帝之學

有虞氏大學在西郊曰上庠小學在王宮之東曰下庠
王制云有虞氏養國老于上庠養庶老于下
庠注云上庠大學也在西郊下庠小學也在國
中王宮之東

夏后氏大學在東曰東序小學在西曰西序



王制云夏后氏養國老于東序養庶老于西序
殷人大學在西曰右學小學在東曰左學
王制云殷人養國老于右學養庶老于左學
其東西左右不同者虞殷取其有成西為成方故
大學在西夏貴文取積漸長養故大學在東東
長養之方也

見王制疏

周人之大學有五小學有三五者何其四方四學太子
之學也其中央之學天子之學也在國中王宮之東
祭義曰天子設四學當入學而太子齒此言大學四方

之學也又大戴禮保傳篇云帝入東學上親而貴仁
帝入南學上齒而貴信帝入西學上賢而貴德帝入
北學上貴而尊爵帝入太學承師問道又蔡邕明
堂論引易傳云太子旦入東學晝入南學莫入西學
此下脫夜入
北學一句在中央曰太學天子之所自學也據此則天
子五學太子所學者四所不能入者一故祭義僅曰四
學以太子言也

曰東學即東膠也本取夏后氏之東序故又曰東序
養老也言于此學干戈羽籥大司成論說皆于此

王制云周人養國老于東膠文王世子曰凡祭與養老

乞言合語之禮皆小樂正詔之于東序是東序即東
膠也又曰春夏學于戊秋冬學于籥皆于東序注
云學舞于夏后氏之學文武中也又曰大樂正學舞
于戚語說命乞言皆大樂正授數大司成論說在東
序

曰南學即成均也立五帝之學于此也學五帝之遺禮
凡樂德樂語樂舞皆大司樂教之于此

成均為五帝學見前知其為南學者大戴禮易傳
皆言五學其中有南學為太子所學之處文王世
子有東序瞽宗上庠成均四學其三者為東西北矣

則南學為成均無疑春官大司樂職云掌成均之法以治建國之學政而合國之子弟焉以樂德教國子中和祇庸孝友以樂語教國子興道諷誦言語以樂舞教國子舞雲門大卷大咸大磬大夏大濩大武注云成均之法其遺禮可法者

曰西學即瞽宗也取殷之右學故亦曰右學大司樂祭樂祖于此太子學弦誦于此秋學禮于此

文王世子曰春誦夏弦太師詔之瞽宗秋學禮執禮者詔之禮在瞽宗注云學禮樂于殷之學功成治定與已同也春官大司樂職云凡有道有德者使教焉

死則以為樂祖祭于瞽宗明堂位云瞽宗殷學也按
成均學樂德樂語樂舞此又學弦誦于瞽宗者于成
均使有道有德者以理告之至弦誦則習其藝矣樂
舞亦講解六代之儀節故事若樂師大胥小胥所教
則習此舞之事即東序之春夏學于戈秋冬學羽
籥也

曰北學即上庠也取有虞氏之學習書者于此

王制曰有虞氏養國老于上庠文王世子曰冬讀書書
在上庠注云學書于有虞氏之學典謨之教所興也
冬讀書于此冬與北方合知上庠即大戴禮之北學也

此四者帝入之太子入之國子入之郊人入之後士入之

帝入太子入見前國子見大司樂注云國之子弟公卿大夫之子弟當學者謂之國子郊人見文王世子俊士見王制並詳見後

曰太學在四學之中央即辟雍也文王之雍在郊武王之雍在國殷之太學在郊故文王之太學亦在郊辟雍者文王所名也在西郊至武王取為天子之學環于四學之中其周有水又曰澤宮

王制云天子命之教然後為學小學在公宮南之左大學在郊鄭注云此小學大學殷之制文王殷諸侯

故辟雍在郊周頌云振鷺于飛于彼西雍薛君韓
詩章句云西雍文王之雍也三輔黃圖云周文王辟雍
在長安西北四十里鄭氏謂辟雍三靈皆同處在郊以
文王之太學言也大雅云於論鼓鐘於樂辟雍此文王
之詩而辟雍之名始於此知為文王所名也大雅又云錫
京辟雍自西自東自南自北無思不服此武王之辟雍
猶皋門應門始為太王所造而武王有天下乃定為天
子之門也知辟雍即中央太學者鄭氏云禮記王制天
子曰辟雍諸侯曰類宮天子將出征受命于祖受成于學
出征執有罪及釋奠于學以訊馘告然則太學即辟雍

也詩頌泮水云既作泮宮淮夸攸服矯矯虎臣在泮
獻馘淑問如皋陶在泮獻囚此復與辟雖同義之證
也毛氏靈臺詩傳云水旋邱如璧曰辟雖以節觀者
三輔黃圖云璧雖如璧之園雍之以水象教化流行
也蔡邕云水廣二十四丈周于外白虎通云辟者象璧
圜以法天也雍者雍之以水象教化流行也此以辟雖
之形言也鄭氏注王制云辟明也雖和也所以明和天下
白虎通又云辟之為言積也積天下道治雍之為言壅
也壅天下之儀則故謂辟雖也此以辟雍之義言也
二說互相成也以大戴禮易傳言中央太學天子

所自學觀之天子之學為辟雍是中央之學為
辟雍也自郊外之小學言之則五學皆大學以四
學言之則辟雍為大學或曰大雅自西自東自南
自北即以成均瞽宗東序上庠言也射義云天
子將祭必先習射于澤澤者所以擇士也郊特牲
云卜之日王立于澤注云澤澤宮也以擇賢之宮
禮記云魯人將有事于上帝必先有事于泮宮此
正以射以擇士言以是準之則澤宮即辟雍以環于
水故曰澤朱攷亭云說者以為辟雍大射行禮之處
也是也

此一者天子視學于此將祭習射于此食三老五更于此太子國子不能入也

祭義云食三老五更于太學所以教諸侯之弟也餘
見前

東序成均瞽宗上庠辟雍凡五學天子國中之學也
俱詳見前

二者何其一則門閭之小學也保氏守之師氏掌之太子幼時學于此少長則就東西南北之四太學也

蔡邕明堂論云周官有門閭之學師氏教以三德
守王門保氏教以六藝守王闥大戴禮云王子年八

歲而出就外舍成童而就大學注云小學謂虎闌
師保之學也大學王宮之東者周禮地官師氏居
虎門之左司王朝保氏使其屬守王闌

其一則四郊之小學也曰虞庠虞之下庠也公卿之大
子士大夫之子十三年入于此賢則登于大學也

王制云周人養庶老于虞庠虞庠在國之西郊蓋
取虞之上庠為大學之北學又取虞之下庠為郊之
小學尚書大傳云古之帝王必立大學小學使公卿
之大子元士大夫之子十有三歲始入小學見小節焉
踐小義焉二十入大學見大節焉踐大義焉故小師取

小學之賢者登之大學大師取大學之賢者登之
天子是也皇氏謂四郊皆有虞庠

然太子八歲即入小學而卿大夫之子以下至十三乃入
小學者先有私學也

文獻通考云保傅及白虎通云八歲入小學者乃
天子世子之禮尚書大傳言十三年入小學者公
卿大夫元士適子之禮蓋公卿以下之子弟年方
童幼未應便入天子之學所以十年出就外傳是學
于家塾直至十五方令入師氏之小學而天子則別無
私學所以世子八歲便入小學此說甚明

若夫鄉遂之學家有塾也

見學記疏云周禮百里之內二十五家為閭同共一巷巷首有門門邊有塾謂民在家之時朝夕出入恒就教于塾

黨有庠也

見學記疏云黨謂周禮五百家也於黨中立學教閭中所升者也孟子曰周曰庠即此鄉飲酒又云主人拜迎賓于庠門之外

遂有序也

學記作術有序月令審端經術注云術周禮作遂

水經注引此文亦云遂有序故疏云術遂也周禮萬二千五百家為遂遂有序亦學名于遂中五學教黨學所升者也周禮地官州長春秋以禮會民而射于州序黨正以禮屬民而飲酒于序是也蓋鄉之閭遂之里其學皆為塾

周禮六鄉之內五家為比五比為閭六遂之內五家為鄰五鄰為里皆二十五里故並曰家

自鄉閭之塾而升于庠自遂里之塾而升于序

周禮六鄉之內四閭為族五族為黨五黨為州五州為鄉六遂之內四里為鄰五鄰為鄙五鄙為縣